

एत॒च्छे॒तेन॒ प्री॒णाति ॥ १५ ॥ च॒तु॒र्द॒शैतानि॒ य॒ज्ञू॒षि भव॑न्ति । त्रयो॒द॒श मा॒साः
 संव॑त्सरः प्र॒जाप॑तिश्चतु॒र्द॒शः प्र॒जाप॑तिरग्निर्या॒वान॒ग्निर्या॒वत्य॑स्य मा॒त्रा ता॒वतै॒वैनमे॑त॒-
 द॒न्नेन॒ प्री॒णाति न॒मो न॒म इति॑ य॒ज्ञो वै न॒मो य॒ज्ञेनै॒वैनमे॑तन्नमस्कारि॒ण नम॑स्यति
 तस्मा॒द् ह॒ नाय॑ज्ञियं ब्रू॒यान्न॑मस्तऽइति॑ यथा॒ हैनं॑ ब्रू॒याद्य॑ज्ञस्तऽइति॑ तादृ॒क्तत्
 ॥ १६ ॥ अथ॒ द्वन्दि॒भ्यो जुहो॑ति । न॒मोऽमु॒ष्मै चा॒मुष्मै चेति॑ तद्यथा॒ वै ब्रू॒याद॑सौ
 त्वं च न ए॒ष च मा॒ हि॒ष्ठसि॑ष्टमित्ये॒वमे॑तदाह॒ नतरा॑ह॒ हि वि॒दित॑ आ॒मन्त्रि॑तो
 हि॒नस्ति ॥ १७ ॥ न॒मो हिर॑ण्यबा॒हवे । से॒नान्ये॑ दि॒शां च प॒तये॑ न॒म इत्ये॒ष ए॒व
 हिर॑ण्यबा॒हुः से॒नानी॑रे॒ष दि॒शां प॒तिस्त॑द्यत्किं च॒त्रिक॑दे॒वत्य॑मे॒तमे॒व तेन॑ प्रीणा॒-
 ति क्ष॒त्रमे॒व तद्वि॑श्य॒पिभा॑गं करोति॒ तस्मा॑द्य॒द्विश॑स्तस्मि॒न्क्षत्रि॑योऽपि॒भागोऽथ॑ या
 अ॒संख्य॑ता स॒हस्रा॑णीमा॒लोकान॑नुप्रा॒विश॑न्नेतास्ता॒ दे॒वता॑ या॒भ्य ए॒तज्जुहो॑ति ॥ १८ ॥
 अथ॒ ज्ञाति॑भ्यो जुहोति । ए॒तानि॑ ह॒ ज्ञाता॑न्येते॒ रुद्रा॑ अनु॒प्रवि॑विशु॒र्यत्र॑ य॒त्रैते॑ त॒-
 दे॒वैनाने॑तत्प्रीणा॒त्यथोऽए॒व॒ ह॒ैतानि॑ रु॒द्राणां॑ ज्ञा॒तानि॑ दे॒वानां॑ वै वि॒धाम॑नु म॒-
 नू॒ष्यास्त॑स्मा॒द् हे॒मानि॑ म॒नू॒ष्याणां॑ ज्ञा॒तानि॑ यथा॒ज्ञात॑मे॒वैनाने॑तत्प्रीणाति ॥ १९ ॥
 तेषां वाऽउ॒भय॑तो॒नम॑स्कारा अन्ये । अन्य॑त॒र्तो॒नम॑स्कारा अन्ये ते ह॒ ते धो॒र॒तरा॑
 अ॒शान्त॑तरा यऽउ॒भय॑तो॒नम॑स्कारा उ॒भय॑त ए॒वैनाने॑तद्य॒ज्ञेन॑ नमस्कारि॒ण श॑मयति
 ॥ २० ॥ स वाऽअ॒शीत्यां॑ च स्वा॒हाक॑रोति । प्रथ॑मे चा॒नुवा॑केऽथा॒शीत्या॑मथा॒शी॒-
 त्यां च॒ यानि॑ चो॒र्धानि॑ य॒ज्ञू॒ष्याव॑तानिभ्योऽन्नम॒शीत॑योऽन्नेनै॒वैनाने॑तत्प्रीणाति
 ॥ २१ ॥ अथै॒तानि॑ य॒ज्ञू॒षि ज॑पति । न॒मो वः॑ कि॒रि॒केभ्य॑ इत्ये॒तद्वास्य॑ प्र॒तिज्ञा॑ततमं
 धाम॒ यथा॑ प्रि॒यो वा पु॒त्रो हृ॒दयं॑ वा त॒स्माद्य॒त्रैत॑स्मा॒दे॒वाह॑ङ्केत॒ तदे॒ताभिर्व्या॑हृति॒-
 भिर्जु॑हुया॒दुप॑ ह॒वैत॑स्य दे॒वस्य॑ प्रि॒यं धा॑म ग॒हति॑ तथो॒ हैन॑मेष दे॒वो न॒ हि॒नस्ति
 ॥ २२ ॥ न॒मो वः॑ कि॒रि॒केभ्य॑ इति । ए॒ते ह्री॑द॒ सर्वं॑ कुर्व॒न्ति दे॒वाना॑ह॒ हृ॒दये॑भ्य
 इत्य॒ग्निर्वा॒युरा॑दित्य॒ ए॒तानि॑ ह॒ तानि॑ दे॒वाना॑ह॒ हृ॒दयानि॑ न॒मो वि॒चिन्व॑त्के॒भ्य